

THIRRJE PËR PROPOZIME PËR GRANTE

Nr. Ref.: EA_038/01-2025

TITULLI I PROJEKTIT:

“PËRDORIMI I QËNDRUESHËM I BURIMEVE NATYRORE PËR ZHVILLIMIN NDËRKUFITAR SOCIO-EKONOMIK TË ZONAVE TË MBROJTURA NË MAQEDONINË E VERIUT DHE SHQIPËRI (KORAB-KORITNIK, SHARR DHE ALPET SHQIPTARE)”

Dorëzimi i propozimeve të projekteve nga aplikantët e përfshirë në zonën e projektit që përfshin rajonin e Parkut Kombëtar Mali Sharr dhe Parkut Kombëtar të Mavrovës (Maqedonia e Veriut) konkretisht në komunat e Tearcës, Jegunovcës, Tetovës, Bogovinës, Vrapçishtit, Gostivarit dhe Mavrovë-Rostushes me fokus në përdorimin e qëndrueshëm të burimeve natyrore për zhvillimin ndërkufitar social-ekonomik të zonave të mbrojtura.

Prezantim i CNVP-së

CNVP-ja është një organizatë me seli në Holandë që vepron në Ballkan. Misioni ynë është të promovojmë përdorimin e qëndrueshëm të burimeve natyrore dhe të ofrojmë mbështetje për komunitetet dhe pushtetet lokale për të krijuar një jetë që është në harmoni me natyrën. Nëpërmjet projekteve të ndryshme, ne synojmë të kontribuojmë për një Evropë më të mirë Juglindore duke u fokusuar në gjashtë fusha kryesore:

1. Menaxhimi i qëndrueshëm i burimeve natyrore
2. Ndryshimet klimatike
3. Zhvillimi rural
4. Energjia e rinovueshme
5. Mobilizimi i komunitetit
6. Anëtarësimi në Bashkimin Evropian

CNVP-ja, përmes zyrave të saj në Maqedoninë e Veriut dhe Shqipëri, po zbaton projektin trevjeçar **“Përdorimi i qëndrueshëm i burimeve natyrore për zhvillimin ndërkufitar socio-ekonomik të zonave të mbrojtura në Maqedoninë e Veriut dhe Shqipëri (Korab-Koritnik, Malin Sharr dhe Alpet Shqiptare)”**, i financuar nga Fondi i Natyrës “Prespa-Ohri “(PONT).



Building a Greener Economic Environment

Ky grant bazohet në përvojën e CNVP-së në Prespë, i mbështetur nga PONT, si dhe në punën tonë të gjerë në vendet e Ballkanit gjatë shumë viteve me mbështetjen e donatorëve të tjerë.

Projekti synon të përmirësojë kushtet socio-ekonomike të komuniteteve lokale, duke kontribuar në të njëjtën kohë në ruajtjen e natyrës. Ai fokusohet posaçërisht në përdorimin e qëndrueshëm të produkteve pyjore jodrunore (PPJD) dhe turizmin e bazuar në natyrë, duke përdorur një qasje pjesëmarrëse, ndërkufitare dhe ndërsektoriale.

Projekti ka tre objektiva kryesore:

1. Përdorimi i qëndrueshëm i produkteve pyjore jodrunore në zonat e mbrojtura të Malit Sharr, Korab-Koritnikut dhe Alpeve Shqiptare, duke kontribuar në ruajtjen e natyrës dhe zhvillimin e komuniteteve lokale në këto zona të mbrojtura,
2. Turizmi i bazuar në natyrë (TBN) në zonat e mbrojtura të Malit Sharr, Korab-Koritnikut dhe Alpeve Shqiptare duke kontribuar në ruajtjen e natyrës dhe zhvillimin e komuniteteve lokale në këto zona të mbrojtura.
3. Zhvillimi i një mekanizmi për menaxhimin e Malit Sharr, Korab-Koritnikut dhe Alpeve Shqiptare që mundësojnë zhvillimin e turizmit të bazuar në natyrë dhe mënyra të tjera të përdorimit të burimeve natyrore në këto zona të mbrojtura:

Grantet janë të destinuara kryesisht për përfituesit e kualifikuar me një prani lokale në zonat e mbrojtura dhe me mision dhe strategji të fokusuar në ruajtjen e natyrës. Aktivitetet e pranueshme përfshijnë pjesëmarrjen e qytetarëve në përpjekjet për ruajtjen, zhvillimin e shoqërive të qëndrueshme dhe të komuniteteve lokale dhe nxitjen e përdorimit të qëndrueshëm të burimeve natyrore.

Thirrja e hapur për propozimet për grante do të reklamohet në faqen e internetit të CNVP-së dhe në kanalet e saj në mediat sociale.

Informacion i përgjithshëm për grantin

Propozimet e plota për projekte duhet të dërgohen vetëm në mënyrë elektronike në adresën e mëposhtme të e-mailit: cnvpmkd@cnvp-eu.org, me ç'rast afati i fundit për dorëzim është jo më vonë se **28 Maj 2025 deri në orën 16:00.**

Kur do të dërgoni aplikimin në seksionin e **Subject**, është e detyrueshme të shënoni numrin e referencës së thirrjes (Nr. i Referencës: EA_038/01-2025).

Shuma minimale e grantit është **9,000 euro** dhe **shuma maksimale** është **12,000 euro** në ekuivalent me denarë (1 euro = 61.4 denarë).



Building a Greener Economic Environment

Kohëzgjatja e propozimit të projektit për grant duhet të jetë **5 muaj**;

Të gjitha dokumentet e nevojshme për aplikim janë në dispozicion në gjuhën maqedonase dhe shqipe, dhe secili aplikant mund të zgjedhë gjuhën në të cilën dëshiron të aplikojë.

Gjatë periudhës së thirrjes së hapur për grante, do të mbahet sesion informativ me datë **14 Maj 2025** (vendi dhe detajet do të jepen më vonë), ku aplikantët e mundshëm do të mund të bëjnë pyetje në lidhje me dokumentacionin që duhet të dorëzohet. Ju lutemi dërgoni pyetjet tuaja deri më **22 Maj 2025 deri në orën 16:00**. Të gjitha pyetjet nga aplikantët mund të dërgohen në adresën e e-mailit questions@cnvp-eu.org

Aplikantët e kualifikuar për financim

Aplikantë të kualifikuar janë të gjitha shkollat publike fillore dhe të mesme në territorin e komunave Tearcë, Jegunovcë, Tetovë, Bogovinë, Vrapçishtë, Gostivar dhe Mavrovë-Rostushë, ku ndjekin mësimet të paktën 250 nxënës.

Skema e nën-granteve mund të ofrojë mbështetje për aktivitetet e mëposhtme:

- Mbjellja e fidanëve në oborret e shkollave si dhe krijimi i komposterëve dhe ekokopshteve;
- Pajisja e klasave shkollore me pajisje që lidhen me edukimin e nxënësve në fushën e mbrojtjes së mjedisit për qëllime biologjike dhe ekologjike.
- Aktivitete edukative në natyrë (aktivitete në terren dhe ekskursione) që lidhen me edukimin e nxënësve nga perspektiva e turizmit të bazuar në natyrë, produkteve pyjore jo-drurorë dhe mbrojtjes së mjedisit.
- Organizimi/zhvillimi i konkurseve të ndryshme midis nxënësve me qëllim promovimin e mbrojtjes së mjedisit dhe ruajtjes së biodiversitetit;
- Rritja e ndërgjegjësimin të nxënësve përmes organizimit të aktiviteteve të ndryshme që lidhen me promovimin dhe mbrojtjen e mjedisit dhe biodiversitetit;

Procesi i vlerësimit

Procedura për vlerësimin e aplikimeve përbëhet nga dy faza, kontrolli administrativ dhe vlerësimi i aplikimeve. Vetëm aplikimet që kalojnë kontrollin administrativ do të vlerësohen nga komisioni i vlerësimit.

Gjatë kontrollit administrativ kontrollohet plotësimi i kushteve të mëposhtme:

- ✓ Afati i aplikimit të pranuar;
- ✓ Kompletim i dokumentacionit;
- ✓ Plotësimi i saktë i aplikimit;
- ✓ Nëse janë plotësuar kushtet e pranueshmërisë;

Nëse aplikimi nuk i plotëson këto kushte, ai do të refuzohet dhe aplikanti do të njoftohet për këtë.

Një komision i pavarur vlerësues do t'i zgjedhë propozimet më të mira të projekteve që i plotësojnë kriteret e pranueshmërisë të përshkruara më sipër. Komisioni vlerësues do të përbëhet nga një numër tek individësh dhe do t'i vlerësojë aplikimet e pranuar në kuadër të kësaj thirrjeje. Kriteret e vlerësimit dhe pesha e tyre për përfituesit e mundshëm janë transparente dhe të hapura për publikun. Lista e grantistëve të përzgjedhur për financim do të shpallet publikisht.

Dokumentet e nevojshme për dorëzim

- Formulari i aplikimit, Shtojca 1, i plotësuar sipas shablloneve;
- Format i buxhetit, Shtojca 2, i dorëzuar në excel format;
- Dokumenti zyrtar i regjistrimit nga Regjistri Qendror (jo më i vjetër se 3 muaj);
- Raporti financiar për vitin 2024
- CV-në e mësuesit/profesorit (mundësisht në biologji) të caktuar për të koordinuar projektin;
- Deklarata e aplikantit dorëzohet me nënshkrim dhe vulë;

Afati kohor indikativ

Afati kohor indikativ	Data
Shpallja e Thirrjes	07 Maj 2025
Sesioni informativ	14 Maj 2025
Afati i fundit për pyetje dhe kërkesa për sqarime	22 Maj 2025
Afati i fundit për aplikim	28 Maj 2025